

## Gryphius, Andreas: 34. (1640)

1     Was haben wir doch hir als Trübsal/ ach/ vnd Bande?  
2     Doch schmacht die Seel' in Angst vnd stettem Trauren nicht/  
3     Ob schon vns Hertz vnd Fleisch vor Bangikeit zu bricht;  
4     Reist kein verzweifeln eyn. Wir sind der Menschen Schande/  
5     Man stößt als böse Leut/ als Dieb' vns auß dem Lande/  
6     Vnd kränckt vns hir vnd dar/ doch wil deß Himmels Licht/  
7     In Elend bey vns seyn/ ob auch die Welt vns richt/  
8     Vnd gäntzlich vnterdruckt/ wir leben in dem Brande  
9     Wir kommen keinmal vmb/ ob gleich deß Herren Tod  
10    Durch so viel grimme Pein/ durch so viel grause Noth  
11    Durch nicht erhörten Zwang stets an vns wird erneuet:  
12    Weil auch das herrlich seyn/ das Christi Creutz erwarb/  
13    Der auch in gröster Qvall in höchstem Jammer starb  
14    Erneut an vns/ die nichts den Angst vnd Creutz erfreuet.

(Textopus: 34.. Abgerufen am 23.01.2026 von <https://www.textopus.de/poems/54509>)